



Khavisani u vavisekile



Samuel Mazungwe Mtsweni



Vadyondzi va ya ekaya loko xikolo xi humile.

Mpfula ya matimba yi le kuteni naswona ri ta
hatima na ku duma.

Khavisani u sungula ku tsutsuma. A nga lavi
ku tsakama.



Khavisani u tsutsuma bubutsa. U fanele ku va na vukheta hikuva gondzo ri na magoji yo tala.

Khavisani u twa movha lowu taka hi le ndzhaku ka yena. Movha wu famba hi rivilo lerikulu!





Khavisani wa tsutsuma leswaku a ta pona
movha lowu wa rivilo. Kambe u khuguriwa hi
goji a wa. Khavisani u vavisekile!

Mudyondzisi u vona leswi swi nga humelela
kutani a tsutsuma a ya pfuna Khavisani.
U bela tata wa Khavisani riqingho.



Khavisani u vavisekile tsolo. Ra pfimba naswona ri huma ngati. U chava ku ri khumba. Khavisani u khongela leswaku tata wa yena a hatla a ta.

Loko se ku ta va ku herile timinete ta khume, tata wa Khavisani u fikile.






“Tatana, vona tsolo ra mina. Ri vavisekile!”
Khavisani a rila a tsanile, a khomelerile nenge
wa yena.

“A hi fambi hi ya kamberisa tsolo ra wena,”
ku vula tatana.

Wa n’wi tlakula a n’wi yisa emovheni.





Etliliniki, muongori wa ta ku ta va pfuna.
U khongotela Khavisani. Kutani a ongola
tsolo ra Khavisani. U basisa xilondza hi
vukheta ku katsa na ku xi tota murhi.

“Ndza khensa, muongori!” ku vula Khavisani.
U ti twa se a tsakile.



Ku herile vhiki. Tsolo ra Khavisani a ra ha vavi. Sweswi ku lo sala xivati.

“Languta, tatana! Tsolo ra mina ri horile!”
ku vula Khavisani a tsakile. “Ku tsutsuma egondzweni swi nga va ni khombo. Ku sukela sweswi, ndzi ta tsundzuka ku va na vukheta swinene!”

